

IBhayibheli LaBantwana
Likulethela



Intombazane
Eyaphila
Kabili



Ibhalwe ngu: Edward Hughes

Kwabonakala ngu: Janie Forest; Alastair P.

Ifanekiswe ngu: Ruth Klassen

Itolikwe ngu: Goodwill Sithembiso Gwala

Ikhizwe ngu: Bible for Children

www.M1914.org

©2022 Bible for Children, Inc.

iLayisensi: Abantu bangazithathela noma bephrinte izinto kulendaba egunyazwe ngokomthetho kodwa akumele bazidayise.



UJayirosi wayengumholi wenkolo yamaJuda
owayekhulekela uNkulunkulu efundisa nabanye
Izwi likaNkulunkulu. Ngelinye ilanga wafikelwa

yisehlakalo esibi.

Indodakazi yakhe
ayithandayo, eneminyaka

engamashumi amabili

kuphela, yagula.

Kwakungekho umuntu

ongamsiza.

Kwakuyisifo

esibi.

UJaruyi

wayazi ukuthi
intombazane yayifa.




Munye kuphela umuntu owayengasiza indodakazi kaJayirosi. UJayirosi waqala ukufuna uJesu futhi amulethe endlini yakhe. UJayirosi cishe wayazi ukuthi abangane bakhe benkolo abamamukeli uJesu. Kodwa uJayirosi akabanga nandaba.



Kwadingeka ukuba athole usizo ngokushesha ngaphambi kokuba indodakazi yakhe ishone.



UJayirosi wathola
uJesu ezungezwe
abantu.



Waguqa
ezinyaweni
zakhe.
“Indodakazi
yami encane
isizoshona,”
kuncenga
indoda
eyayiphelelwa
ithemba.
“Woza ubeke
izandla zakho kuyo
ukuze izosinda,
futhi iphile.”





UJesu wahamba no
Jayirosi. Kodwa
abasheshanga ngenxa
yesixuku esikhulu. Omunye
wesifazane wayesegule
kakhulu iminyaka
engamashumi nambili
emide. Wayesebona yonke
inhlobo yadokotela (futhi
wasebenzisa yonke imali
yakhe) ngaphandle
kokuthola usizo. O, yena
wayefuna ukubona uJesu.





Yayingenzani intokazi? “Uma nje
ngingathinta izingubo zakhe, ngizosinda,”
kububula lentokazi. Wagonda kuJesu.
Bese, ngokwelula isandla sakhe,
wathinta ingubo kaJesu.





Isimangaliso!
ISIMANGALISO! Intokazi
yaphulukiswa. Ngokushesha!
Ngokuphelele! Wayazi
ukuthi uphilile futhi
unamandla futhi uphelele.
Kodwa kwaba sekubuza izwi.
"Ubani othinte Mina?"
UJesu ebuza. Izixuku
zazimthintile. Kodwa
intokazi eyayisiphulukisilwe
yazi ukuba kumele imutshele
ngakho. Ngokwesaba,
yamtshela yonke indaba.



Ngaleso sikhathi, kwafika izinceku zivela endlini kaJayirosi. Cishe ubuso babo bakhuluma indaba ebuhlungu bengakakhulumi. "Indodakazi yakho

isishonile" betshela uJayirosi.

Ishonile! Kwase kuphuze

kakhulu. Mhlawumbe ukube leyontokazi

ayizange ibambezele izinto ... mhlawumbe,

uma ... Ushonile!

Intombazanyana

kaJayirosi eyigugu

kuye ayisekho.



UJesu ekuzwa lokho, Waphendula, "Ungasabi; kholwa kuphela; futhi uzosindiswa." Kwakumele ukuba kwakunzima kangakanani ngempela ukuba

uJayirosi akholwe uJesu.
Indodakazi yakhe
yayishonile.



Endlini, bakhala bonke abantu bekhalela
intombazane. UJesu wathi "akafanga kodwa ulele,"
Bamhleka, bayazi ukuthi intokazi ishonile.



UJesu wabakhipha bonke ngaphandle,
wabamba intombazane ngesandla futhi wathi
"Ntombazanyane, vuka."



UJayirosi wayekhona. Unkosikazi wakhe wayekhona. Abafundi abathathu bakaJesu babelapho. Bonke bezwa amazwi kaJesu. Ingabe intombazanyane efile yayizobezwa nayo?



Intombazane
efile yezwa
umyalo kaJesu!
Umoya wayo
wabuya, futhi
wavuka
ngokushesha.
UJesu
wayemvusile
kwabafileyo.



Abazali bentombazane bamangala. UJesu wabatshela ukuthi abanike intombazane into yokudla. Yeka indlela okwakumele bezizwe bejabule ngayo; indlela yokubonga uJesu. Uthando Lwakhe namandla amangalisayo abuyise indodakazi yabo ekufeni.



Intombazane Eyaphila Kabili

Indaba evela kwiZwi laNkulunkulu,
iBhayibheli,

Itholakala

Marku 5, Luka 8

“Ukwambulwa kwaMazwi Akho kuyakhanyisa.”
AmaHubo 119:130



Yaphela



Lendaba yeBhayibheli isitshela ngoNkulunkulu wethu uyisimanga owasidala futhi ofuna ukuthi wena wazane Naye.

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa, ngokuba uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwetshelwe izono zethu. UJesu wase evuka ekufeni wanyukela ezulwini ekhaya lakhe! Uma ukholwelwa kuJesu futhi uma Umcela ukuthi akuthethelele izono zakho, Uzokwenza lokho! Uzoza ezophile ngaphakathi kwakho manje, futhi uzophila Naye kuze kube ingunaphakade.

Uma ukholwa ukuthi iqiniso leli, ithi kuNkulunkulu: Nkosi Jesu, Ngiyakholwa ukuthi wena unguNkulunkulu, futhi wehla ezulwini waba inyama ukuze ufele izono zami, wavuka ekufeni usuyaphila futhi. Ngicela ungene empilweni yami ungithethelele izono zami, ukuze ngizokwazi ukuba nempilo entsha, ukuze ngiyokwazi ukuba Nawe kuze kube phakade. Ngisize ukuba ngilalele Wena futhi ngiphilele Wena njengomntwana Wakho. Ameni.

Funda iBhayibheli futhi khuluma noNkulunkulu nsuku zonke! Johane 3:16

